

Broj: \_\_\_\_\_  
Datum, \_\_\_\_\_ .2023.godine

Na osnovu člana 14. stav (4) i člana 16. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16), člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na \_\_\_ sjednici održanoj dana \_\_\_ .2023.godine, rješavajući po prijedlogu Zavoda za planiranje i izgradnju Općine Kakanj za utvrđivanje javnog interesa, broj: 01/2-45-1139/23 od 10.05.2023. godine, **d o n o s i**

### **O D L U K U** **o utvrđivanju javnog interesa**

**1. UTVRĐUJE SE** javni interes u svrhu izgradnje lokalne saobraćajnice od Čatića do Haljinića, općina Kakanj, po prijedlogu Zavoda za planiranje i izgradnju općine Kakanj, te se može pristupiti potpunoj eksproprijaciji na sljedećim nekretninama, označenim kao:

-k.č.br. 128/6 zv. „SEPARACIJA“, željeznička pruga k.o. Čatići u površini od 12770 m<sup>2</sup>, upisana u posjedovni list broj: 248 u posjedu Rudnik mrkog uglja „Kakanj“ d.o.o. Kakanj, sa dijelom 1/1, kojoj odgovara parcela po starom premjeru označena kao k.č.br. 1886/5 k.o. SP Obre, upisana u zemljišnoknjižni uložak br.33 SP Obre, zemljišnoknjižno vlasništvo Rudnik mrkog uglja „Kakanj“ d.o.o. Kakanj, sa dijelom 1/1,

-k.č.br.365/5 zv. „BJELAVICI“, željeznička pruga k.o. Bjelavići u površini od 17129 m<sup>2</sup>, upisana u posjedovni list broj: 107 u posjedu Rudnik mrkog uglja „Kakanj“ d.o.o. Kakanj, sa dijelom 1/1, kojoj odgovara parcela po starom premjeru označena kao k.č.br.1885/20 k.o. SP Obre, upisana u zemljišnoknjižni uložak broj: 1142 SP Obre, zemljišnoknjižno vlasništvo državna svojina, sa dijelom 1/1,

-k.č.br.366 zv. „BJELAVICI“, željeznička pruga k.o. Bjelavići u površini od 8196 m<sup>2</sup>, upisana u posjedovni list broj: 107 u posjedu Rudnik mrkog uglja „Kakanj“ d.o.o. Kakanj, sa dijelom 1/1, kojoj odgovara parcela po starom premjeru označena kao k.č.br.1886/6 k.o. SP Obre, upisana u zemljišnoknjižni uložak broj: 33 SP Obre, zemljišnoknjižno vlasništvo Rudnik mrkog uglja „Kakanj“ d.o.o. Kakanj, sa dijelom 1/1,

-k.č.br.1334 zv. „HALJINIČI“, željeznička pruga k.o. Haljinići u površini od 18723 m<sup>2</sup>, upisana u posjedovni list broj: 125 u posjedu Rudnik mrkog uglja „Kakanj“ d.o.o. Kakanj, sa dijelom 1/1, kojoj odgovara parcela po starom premjeru označena kao k.č.br.1886/7 SP Obre, upisana u zemljišnoknjižni uložak broj: 33 SP Obre, zemljišnoknjižno vlasništvo Rudnik mrkog uglja „Kakanj“ d.o.o. Kakanj, sa dijelom 1/1.

**2.** Utvrđuje se da je Općina Kakanj korisnik potpune eksproprijacije za izgradnju lokalne saobraćajnice od Čatića do Haljinića, općina Kakanj.

**3.** Protiv ove Odluke može se pokrenuti upravni spor kod Kantonalnog suda u Zenici, u roku od 30 dana od dana dostavljanja iste. Tužba se podnosi neposredno Sudu u dva istovjetna primjerka, uz koju treba priložiti i kopiju ove Odluke.

#### **DOSTAVITI:**

1. Općinskom načelniku,
2. Općinskom pravobraniocu,
3. Zavodu za planiranje i izgradnju općine Kakanj,
4. Rudnik mrkog uglja „Kakanj“ d.o.o. Kakanj,
5. a/a.

#### **PREDSJEDAVALAČI**

Katičić Slaven

## Obrazloženje

### I PRAVNI OSNOV

Pravni osnov za donošenje Odluke o utvrđivanju javnog interesa sadržan je u članu 14. stav (4) Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16) koji glasi: „Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja“, te na osnovu člana 24. Statuta Općine Kakanj („Službene novine Općine Kakanj“, broj: 4/08), a kojim je utvrđena nadležnost da Općinsko vijeće donosi odluke i druge opće akte kojima uređuje pitanja iz samoupravnog djelokruga Općine.

### II RAZLOZI ZA DONOŠENJE

Zavod za planiranje i izgradnju Općine Kakanj, podnio je prijedlog za utvrđivanje javnog interesa, broj: 01/2-45-1139/23 od 10.05.2023. godine, u svrhu izgradnje lokalne saobraćajnice od Čatića do Haljinića, općina Kakanj, na nekretninama označenim u tački 1. ove Odluke. U naprijed navedenom zahtjevu navedeno je da zbog realizacije idejnog projekta „Izgradnja lokalne saobraćajnice od Čatića do Haljinića“ općina Kakanj, potrebno riješiti imovinsko-pravne odnose za parcele na kojima će biti izgrađena saobraćajnica, te da je potrebno donijeti Odluku o utvrđivanju javnog interesa u cilju provođenja postupka potpune eksproprijacije u svrhu izdavanja Odobrenja za građenje za navedeni projekat.

Služba za privredu, urbanizam i zaštitu okoline izdala je Izvod iz prostornog plana općine Kakanj za 2010-2030 godine, od 08.05.2023. godine, po kojem je lokalitet od pogona Haljinići do separacije Doboje, općina Kakanj, zona saobraćaj-pješački/biciklistički/kolski.

S obzirom na naprijed navedeno ispunjeni su uslovi iz člana 14. stav (4) Zakona o eksproprijaciji.

Stoga je potrebno utvrditi javni interes u svrhu izgradnje lokalne saobraćajnice od Čatića do Haljinića, općina Kakanj.

Troškove postupka eksproprijacije snosi korisnik eksproprijacije.

U skladu sa članom 16. stav (2) Zakona o eksproprijaciji, uz prijedlog za utvrđivanje javnog interesa priložen je:

1. Elaborat eksproprijacije, Izgradnja lokalne saobraćajnice od Čatića do Haljinića općina Kakanj, koji je izrađen u mjesecu maju 2023. godine, izrađen od strane Službe za imovinsko-pravne, geodetske poslove i katastar nekretnina-Odsjek za katastar, Općina Kakanj.

Nakon utvrđivanja javnog interesa provešće se postupak potpune eksproprijacije na predmetnim nekretninama po prijedlogu Općinskog pravobranilaštva, kao zakonskog zastupnika općine Kakanj.

#### **OBRAĐIVAČ:**

Služba za imovinsko-pravne,  
geodetske poslove i katastar  
nekretnina

#### **PREDLAGAČ:**

Općinski načelnik